

ВЕТЕ КИЗОТ СТАХАНОВСКИЙ ДВИЖЕНИЯТИ

Августъ 30 шистонза советский народъ отмечает эсь историйстон-за фкя инь важная датать,—стахановский движениять 5-це кизонц Мзярдонга аф юкстави тя шись! Сон ульсь 1935 кизоня Международной Юношеский 21-цешинь карша. Простой советский горняксь, донецкий шахтерсь Алексей Стаханов сувась шахтав забойс, штоба отметить од ломанень праздникть, прославить странать трудовой фронтса од производственной победаса. Сон сатсь мировой рекорд,—пашкодсь 14 норма, таргась 102 тонна уголь. Стахановть тя мировой рекордонц колга славась эстакиге тусь сембе Советский Союзть эзга.

1935 кизонь ноябрьста кремлевский залть трибунанцлангста минь вожденьке Сталин ялгась азозе:

„Тячи стахановецта нинге кржа, но кие может сомневаться, што ванды синь эздост ули кемонень крда сяда лама? Дряй аф шарьх-кодеви, што стахановецне ащихть минь промышленностьсонк новаторкс, што стахановский движени-ясь няфни эсь мархтонза минь индустрияньконь будущостенц, што сон кирди эсь эсонза рабочей классть культурно-технической под'емонь сяда товолдонь зернанц, што сон панчси тейнек ся кить, конанц ланга аныцек можнат са-томс трудонь производительностень сят оцю показательне, конат пик эривихть социализматса коммунизмат йотамста и умственной трудть мархта физический трудть йоткса противоположность машфтомаса“.

Рузаевка станциянь паровознай депонь комсомольский комитетсь вишкоте-соцсоревнованиять сембе комсомолецнень и пцтай сембе аф союз-най од ломаттнень йоткса. Депоса 177 комсомолецъ эзда 146 стахановец и ударник. Комсомолецъ Авдейкин ялгать бригадац смена-ти фкя паровозъ вастс ремонтста полдай 3—4. Тяса регулярна йотафневихть совещаният работань опытонь фкя-фкянди максомать коряс.

Саранский пенькокомбинатонь комсомольский организациясь лу-вонды эсь рядсонза 14 стахановец и 5 ударник, синь йоткост Копы-лов ялгать бригадац, конац эрь шиня работань норманц пашкотъ-кшнесы 270—300 процентс. Консервной комбинатонь первичнай комсомольский организациясь 75 комсомолец, конатнень йоткса 16 стахановец и ударник.

Колхозста и совхозста комсомолецне тяфтажа ащихть велеса стахановский движениень органи-заторкс. Комсомолецне-трактори-стне Потапов С. В. и Трямкин К. А. (Кадошкинский район) СТЗ-НАТИ тракторса эрь шиня рабо-тань нормасон пашкотъкшнесазь 150 и сяда лама процентс. Сем-бонди республикаса содафт велень хозяйствань знатнай ломаттне Салмыковась, Ошкинась, Зуба-ревась, конат эсь честнай трудсон мархта няфнихть сембеколхозник-нени трудти социалистический отношениань образецт.



СНИМКАСА: кяржи ширде види шири: Комсомольский МТС-нь (Мельцанский район) комбайнаса сёронь урядамаса мастерсь Лушев ялгась; Кочуровский райо-нонь „Якстере заря“ колхозонь звеньевойсь Лидия Сергеевна Зубарева комсомол-кась. Фотось А. Ивановть.

Нормасон пашкотъкшнесазь 150—170 процентс

СССР-сь—вечна панжи и келеми мастор. Аныцек тя масторса, коса эряфонь рудьсь ащи гениальной Сталинть кядьса, возможнайхть тиесм сембе чудесатне.

Стахановский движениась, син-немок сире норматнень и касфтомок трудонь произ-водительность аф азомшка вярэ вастс, СССР-са арась всена-роднай великай движениань вишке волнакс и фатязе марнек народнай хозяйствать, панчсь трудть произ-водительностенц касфтоманцы пефтема прогрессонь возможность.

Тя всенароднай стахановский движениять 5-це кизонц ознамено-вандаманц инкса Советский Сою-зонь промышленность и велень хозяйствась сась производственной показателень од победаса. Тяка лувксса Мордовиянь народське отмечае стахановский движениять 5-це кизонц трудовой энтузиазмань оцю под'емса.

Саранскийнь пенькоджутовой комбинатсь эсь производственной программанц пашкотъкшнесы 104 процентс. Эряви азомс, што комби-натса стахановский трудонь про-изводительность касфнемаса фкя инь главная роль налхки ком-

бинатонь комсомольский организа-циясь, коса сембоц 120 комсомолец. Вятетом эрь шиня рабочайхненъ йоткса агитационно-массовой рабо-та, улемок стахановский трудонь инициаторкс и организаторкс, пенькоджутовой комбинатонь ком-сомолецне выработкань нормасон пашкотъкшнесазь 150—170 про-центс.

Сявсаськ комсомолецъ Мясин ялгать, кона выработкань норманц пашкотъкшнесы 170 процентс. Ком-сомолецне Копылов и Елховиков ялгатне выработкань нормасон пашкотъкшнесазь 163 процентс, Воронин комсомолецъ—150 про-центс.

Стахановецне-комсомолецне вя-тихть эсь мельгаст сембе приз-водственной од рабочайхненъ, ста-хановский трудонь производитель-ность касфтоманцы, стаханове-донь ряттнень келептемасонды. Синь цебарь производственной от-ношениясон вельде кемокснихть трудовой дисциплинаць и вятихть вишке тюрема трудонь дезоргани-заторхненъ-прогульщикненъ кар-шес.

Г. Горный.

МЮД-ть ЧЕСТЬС

Оцю аноклама работа йотафни Глуховский велень советонь „Про-летарий“ колхозста комсомоль-ский организациясь Международ-най Юношеский 26 шить васьфте-манцы. Комсомолецне арьсезь ознаменовандамс XXVI МЮД-ть эсь военной знаниясон нинге ся-да кеподеманц мархта, од ломат-тнень йоткса обороннай работать цебарьгофтоманц мархта.

Тяни комсомолецне йотафнихть тренировочнай ляцендемат, што-ба МЮД-ть 26 кизонцы мак-сомс Ворошиловский стрелоконь васенце ступенень значокти нор-матнень. Мекольценъ тренировоч-най ляцендемась няфтезе, што комсомолецне аф калдывста со-

дасазь ни ляцендема тевть. Ком-сомолецъ Ерин А. Л. колма патронца повфтась 22 очка, комсомолецъ Мельников 3 па-тронца 21 очка.

Нят шитнень комсомолецне мар-са ОСО-нь организациять мархта МЮД-ть честьс йотафтыхть противогаса военизированнай по-ход. Тяни йотафневи тянди деятель-най аноклама.

Сентябрьт васенце шистонза „Пролетарий“ колхозонь од ло-маттне нинге вестъ няфтьсазь эсь анок шисон любой пингть арамс родинать граничанзон ара-лама.

А. Митрошин.

Саранский район.

ТЮРИХТЬ ТРУДОНЬ ОЦЮ ПРОИЗВОДИТЕЛЬНОСТЬ ИНКСА

Советский правительствась, сем-бе советский народсь, аф юксне-мок Сталин ялгать валонзон сянь колга, што „од ломаттне—тя минь будущайньке“, тядыкс заботайхть социализмань странань касыкс по-колениять инкса и кельгозь касф-тыхть сонь эсонза. Од ломаттне-ди максфт кели прават трудти, ваймамат и образованяти.

Од ломаттне эсь ширдест ня заботатнени отвечайхть социа-листический родинать пользас са-моотверженной трудса. Касфнесазь трудонь производительность, ке-мокснесазь трудовой дисципли-наць.

Комсомолецне Докторов, Зап-рутцев, Сазанов (разнопромсоюз) эрь шиня работань нормасон паш-котъкшнесазь 300 процентс. Са-ранский райононь „Красная звез-да“ колхозса комсомолецне Веду-кин и Маслов ялгатне самосброс-каса лядендсть 4,5 гектаронь нор-мать вастс 8—9 гектархт. Комсо-молкась Широкова ялгась („Но-вая жизнь“ колхозста) эрь шиня сотнекшнесь 600 и сяда лама пулф 300 пулф нормать вастс. Ичалков-ский райононь Кировълемса кол-хозса комсомолецне Кручинин и Пудовкин ялгатне жаткаса ляде-мста работань нормасон пашкотъ-кшнесь 200 процентс.

Тяфтама комсомолецонь спис-кась можналь нинге тѣжяненъ кр-да касфтомс. Сембе тя няфнесы сянь, мезьс и кодама чудесань тиема способнайхть советский од ломаттне, конатнень эса Сталин-ский Конституциять ши валдонц ала воспитандакшни Ленинонь—Сталинонь партиясь.

Комсомолецнень и аф союзнай од ломаттнень производственной работаса сатфксна улельхть ба нинге сяда оцюфт, кда аф ся аф сатыксне, конатнень сидеста но-лясазь ВЛКСМ-нь кой-кона рай-комтне. Вов Рузаевский района комсомолонь райкомсь сянь вастс, штоба вятесм решительнай тюре-ма труддисциплинаць кемокста-манц, трудонь производитель-ность касфтоманц инкса, меке-лангт, кармась кяшендема произ-водствань дезорганизаторхненъ. СССР-нь Верховнай Советъ Пре-зидиумонц июньт 26-це шинь указдонза меле тистъ прогул 12 комсомолец. Нят прогульщикненъ колга кизефксть комсомольский организациятне ашезь ванонда мянь мекольденъ пингть самс.

Комсомольский организацият-нень задачасна ащи тяни сянь эса, штоба васьфтемс и йотафтомс МЮД-ть трудонь сяда оцю произ-водительность мархта, ВКП(б)-нь XVIII-це с'ездть решениянзон паш-кодмасон коряс лозунгть ала. Нинге сяда кемокстамс эсь вели-кай родинаньконь хозяйственный и обороннай мощенц, нинге сяда касфтомс сонь козяшинц.

Эряви производительна рабо-тамс сембе 480 минутать пингста, апак ужальдть тюремс летуттнень, лодырьхненъ каршес.

А. Пятунин.

Литвань Народнай Сейматъ Чрезвычайнай Сессияц

Августъ 24-це шистонза панжевь Литвань Народнай Сейманц Чрезвычайнай Сессияц. Сеймасъ единоголасна кемакстаъ тяфтама шинь порядка:

1. Литвань Народнай Сейматъ Полномочнай Комиссиянц сообщенианц СССР-нь Верховнай Советъ решениянц колга Советский Социалистический Республиканъ Союзи Литовский ССР-ть примаманц колга.

2. Мандатнай Комиссиять докладоц Укмергский избирательнай округтъ эзга Сеймати кочкамань итокненъ колга.

3. Сейматъ Конституционной Комиссиянц докладоц Литовский ССР-ть Конституциянц (Основной Закон) проектонц колга.

4. Народнай Сейматъ Литовский ССР-нь Временнай Верховнай Советокс азоманц колга.

5. Литовский ССР-нь Государственной верховнай органонъ образовандамъ колга.

Васенце кизефксть коряс доклад тись Полномочнай Комиссиять руководителец Палецкис ялгасъ. Сонъ юрьхкяна докладоц ламоксть сязевдеи аплодисментса, мзярда сон лятфнесы Литовский народтъ и марнек миронъ трудящайхненъ другсон Сталин ялгать лемонц.

Сеймасъ единоголасна постановил одобрить Сейматъ Полномочнай Комиссиянц деятельности.

Шинь порядканъ омбоце кизефксть коряс корхтасъ депутатъ

Снечукс. Общай аплодисментонъ шовор сон азозе, што Укмергский избирательнай округса дополнителнай выборхненъ коряс народнай Сеймати депутатокс кочкаф Палецкис ялгасъ.

Шинь порядкъ кизефксонц коряс доклад тись Сейматъ Конституционной Комиссиянц председателец депутатъ Пакаркис. Сон азозе, што Литовский ССР-ть Конституциянц проектоц тиф Союзнай Советский Республиканъ Конституциясн примеронц коряс, однак Литовский Конституциять улихть сонценъ особенностенца.

Литовский ССР-са хозяйстванъ социалистический систематъ мархта фкя пингтъ нолневи единоличнай крестьянонъ, ремесленниконъ, кустаренъ, мелкай частнай промышленнай и торговой предприятия хозяйства ся пределхненъ эса, кодапт ладифт законца.

Кочкама и кочкафокс улеманъ праваса кармайтхъ пользовандама Литовский ССР-нь сембе граждатне, конатненди топодсь 18 киза, а аф 21 киза, кода тя ульсь Народнай Сеймати кочкаматненъ пингста.

Августъ 25-це шистонза Сейматъ шовдаванъ заседаниясонза вишкомсть преният Конституционной Комиссиять докладонц коряс.

Депутатъ Пакаркисонъ заключительнай валдонза меле Народнай Сеймасъ единоголасна кемакстазень Литовский ССР-ть Консти-

туциянц сембе статьясон.

Шинь порядкас нилеце пунктъ коряс Сеймасъ примасъ решения—азондомс Литовский ССР-нь Народнай Сейматъ Литовский ССР-нь Временнай Верховнай Советокс.

Временнай Верховнай Советъ Президиумонцы мярьгф назначендамс Литовский ССР-ть Верховнай Советонцы кочкаманъ ши.

Сеймасъ обязал Республикатъ верховнай органонц етафтомс правительстватъ и правительственной учреждениятненъ Вильнюсу (Вильно)—Литовский ССР-ть столицазонза 1941 кизонъ майтъ 1-це шинцты.

Августъ 25-це шистонза ульсь Литовский ССР-ть Временнай Верховнай Советонц Сессиянц васенце заседаниянц, конац посвященай республикатъ верховнай государственнай органонзон образовандамсонды. Литовский ССР-ть Временнай Верховнай Советонцы председателекс Сессиясь кочказе депутатъ Баранускасонъ.

Литовский ССР-ть Временнай Верховнай Советонц Президиумонцы председателекс единоголасна кочкаф депутатъ Ю. Палецкис.

Литовский ССР-ть Совнаркомонцы председателекс кочкаф депутатъ Гедвилас, конанди мярьгф Сессиять заседаниянцы максомс Совнаркомонъ четтненъ колга списка.

(ТАСС).

Эстониянь Государственной Думатъ Чрезвычайнай Сессияц

Августъ 24-це шистонза панжевь Эстонский ССР-ть Государственной Думанц Чрезвычайнай Сессияц.

Сессиять шинь повесткасонза колма кизефкст:

1. Государственной Думатъ Полномочнай Комиссиянц докладоц СССР-нь Верховнай Советъ сисемце Сессиянц решениянц колга Советский Социалистический Республиканъ Союзи Эстонский Советский Социалистический Республикатъ примаманц колга.

2. Государственной Думатъ Конституционной Комиссиянц докладоц Эстонский ССР-ть Конституциянц (Основной Закон) проектонц колга.

3. Эстонский ССР-ти властенъ Верховнай органонъ образовандамъ.

Шинь повесткать васенце кизефксонц коряс корхтасъ Полномочнай Комиссиять председателец, республикатъ президентонц обязанностензон исполняйсна премьер-министрьс Йоханнес Варес.

Государственной Думасъ единоголасна примасъ тяфтама решения: „Государственной Думатъ Полномочнай Комиссиянц отчетонц кулхондомок СССР-нь Союзонъ Верховнай Советъ решениянц колга ССР-нь Союзъ составс Эстонский ССР-ть примаманц колга, Государственной Думасъ лувондсы, што Полномочнай Комиссиясь пашкодезе Эстониянь трудовой народтъ единогодушной желанинц“.

Шинь порядкатъ омбоце кизефксонц коряс — Эстонский ССР-ть Конституциянц проектонц колга — тись доклад Конституционной Комиссиять председателец И. Лауристин ялгасъ. Сембе депутаттне оцю мяльса кулхондозь сонъ интереснай, содержательнай докладонц.

Тяда меле депутатъ Кадакас лувозе Эстонский ССР-ть Конституциянц проектонц.

Лауристин ялгать докладонц коряс вишкомсть преният. Корхтасъ 16 ломанъ.

Августъ 25-це шистонза шовдаванъ заседаниясонза Государственной Думасъ Лауристин ялгать заключительнай валдонза меле, разделга, кемакстазе Эстонский ССР-ть Конституциянц.

Сессиясь единоголасна постановил азомс Государственной Думатъ составонц Временнай Верховнай Советокс Эстонский Советский Социалистический Республикати.

Эстонский ССР-ть Временнай Верховнай Советонц Президиумонцы мярьгф ладямс Эстонский ССР-ть Верховнай Советонцы кочкаманди пинге Конституциянц коряс, конанъ кемакстазе Эстон-

ский ССР-нь Государственной Думасъ.

Августъ 25-це шистонза ульсь Эстонский ССР-ть Временнай Верховнай Советонц васенце Сессиянц заседаниянц. Заседаниянц шинь повесткаса — Эстонский ССР-ть властенъ верховнай органонзон образовандамсна.

Временнай Верховнай Советти председателекс единоголасна кочкаф В. Сасси, Эстонский ССР-ть Временнай Верховнай Советонц Президиумонцы председателекс — депутатъ Варес, Народнай Комиссаронъ Советти председателекс И. Лауристин ялгасъ. Иляденъ заседаниянц эса ульсь кемакстаф Народнай Комиссаронъ Советъ составонц.

(ТАСС).

Школатне од тонафнема кизоти

(„Комсомолонъ вайгяль“ газетатъ корреспондентонц ширде)

Атюрьевский районца сембоц 45 школа, а тиф ремонт 37 школанди. 5 начальнай, 2 аф полна-средней и 1 средний школанди эряви ремонт.

Ламонц нят школатне илядсть апак петть анычек сяс, што сель-исполкомтне эсь пингстост ашестъ ноля тьянди ярмакт, а Барановка велень начальнай школасъ илядсть апак петть, сяс мес заведующайсь Балашов ялгасъ тичемс нинге ашезь мрда отпускста.

Особенна калдявста ащи тевсь уштомпяленъ анокламанъ коряс. Марнек районца школатненди эряви 5235 кубометра пенге и торф. Но ускф августъ 21-це шинцты анычек 1020 кубометра пенге и 120 кубометра торф. Анычек Атюрьевский средняй школати сьямонза эряви 700 кубометра уштома пняль, а аноклаф анычек 176 кубометра, конатненъ эзда ускфта анычек 100 кубометра.

Улихть нинге районца стама школат, кода Кышалонъ НСШ-сь, Больше-Шуструйский НСШ-сь и лама илят, конат тичемс фкявок полена пенге ашестъ анокла.

Школатненъ петемасонъ и тейст уштомпяленъ анокламаса тяфтама положениасъ лиссь сяс, мес ронось афсатомшка руководил тя тевтъ мархта, эсь пингстонза исценъ лихте лангты уштомпяленъ анокламанъ и ускоматъ эса, школанъ петемаса нолдаф эльбяткскненъ.

Нят эльбяткскненъ нолдамасонды лездсь сяс, што аш соткс ронотъ и ВЛКСМ-нь райкомтъ йоткса. ВЛКСМ-нь райкомъ од тонафнема кизоти анокламанъ мархта вестенге нинге ашезь занимадакшне. Райкомтъ видеса школьной од ломаттненъ и пионерхненъ йоткса работать коряс комиссиясь мезнятка аф тиенди.

Шлаев.

Атюрьевский район.

Европейский странатненъ военной действиясна

Англиять вельксса воздушнай сражениятне молихть шинек-венек аф лафчемкшни вийса.

Августъ 27-це шинц карша веть германский самолеттне атаковандазь Англиять побережьянц 800 километрада ламонъ кувалмос. Вью эскадрильяса ульсь атаковандафт Плимутса военной портсь, Корнуэльса аэродромсь, Ковентриса авиационнай заводтне, а тяфтажа Гулласа и Ньюкэстласа портовой сооружениятне. Кой-мзяра пунктова бомбардировкатне тистъ пожархт.

Рейтер агентствасъ пачфни, што германский самолеттне августъ 27-це шинц карша веть ульсь Лондонть вельксса 6 частонъ пингс. Лондонца азф воздушнай тревогасъ тя вене эсь кувалмонц коряс йотнесыне сембе воздушнай тревогатненъ, конат ульсь войнать ушетксстонза. Сембе веть йотамс Лондонть вельксса менельсь валдопневсь прожекторса и зезитнай орудияса ляцендеманъ вспышкатненъ мархта. Германский самолеттне малаткшнестъ ошть вельксс или тифтень, или аф оцю отрядса. Синь тиендсть кругошть вельксса и тушендсть шовдати, а синь мельгаст эвондакшнестъ од отрядт. Кода пачфнихть куля, Лондонть районозонза ульсь йордаф аф лама бомба. Лама крукненъ мяльсон коряс, тя налетсь тифоль васендакиге сянкса, штоба тиемс ошса паника.

Английский самолеттне стаяжа сидеста тиендихть налетт Германиять и сонъ мархтонза заняф территориятненъ лангс. Августъ 25-це шинц карша веть английский бомбардировщикне атаковандазь Голландияса и Бельгияса аэродропненъ. Августъ 26-це шинц карша веть ульсь тиф налет Севернай Франциять аэродромонзон и германский столицатъ Берлинть лангс. Английский авиациянь иля соединения бомбардировандазень Кельнца, Гаммса, Шиверца товарнай склаттненъ и Бременца докненъ.

Августъ 27-це шинц карша веть английский авиациясь тись успешнай налетт Германиять и Италиять важнай военной объектсон лангс. Английский бомбардировщиконъ соединения, конац примасъ участия Италиять лангс налетса, савсь кафксть лиемс Франциять территориянц и Альпатненъ вельф. Йордаф бомбат Туринца фиат заводтненъ и Миланца военной предприятиятненъ лангс.

(ТАСС).

РУМЫНО-ВЕНГЕРСКИЙ ИНЦИДЕНТСЪ

Кода пачфни американский Юнайтед пресс агентствасъ Будапештста, августъ 27-це шистонза румынский войскатне ушедсть ляцендема Сегедатъ сяда восточнай ширесонза Лайостанья пунктса венгерский пограничникненъ лангс.

Итальянский стефани агентстватъ пачфнеманц коряс, Будапештса опубликовандаф куля сянъ колга, што августъ 27-це шистонза пцтай 11 частса шовдава Дебрецентъ видеса (Венгрия) румынский самолет венгерский бомбардировщиконди, кона тиендсь учебнай лиендема, тись повреждениа и заставазе валгомс. Венгерский летчиксь стакаста ранендаф, столкновенияда меле румынский самолетсь тусь восток шири.

(ТАСС).

Ответ. редакторъ инкса М. САЙГИН.